



**BARAZA LA WAWAKILISHI – ZANZIBAR**

**ORODHA WA SHUGHULI ZA LEO**

**BARAZA LA KUMI LA WAWAKILISHI**

**MKUTANO WA PILI**

**Kikao cha Tatu – Tarehe 12 Februari, 2021.**

Kikao Kitaanza Saa 3.00 (Tatu) Asubuhi  
na Dua zitasomwa.

**I. MASWALI:**

**Ofisi ya Rais, Katiba, Sheria, Utumishi na Utawala Bora:**

69. MHESHIMIWA DKT. SAADA MKUYA SALUM (Uteuzi wa Rais)- Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi na Utawala Bora:

Walimu wa Madrasa ni kundi ambalo limekuwa likisaidia sana kuijenga jamii ya wananchi ambao wana maadili na imani kubwa. Lakini ni kundi ambalo limekuwa likikabiliwa na changamoto kubwa za kukosa uwezo wa kuziendesha madrasa hizo kutokana na miundombinu isiyobora ambayo inawakosesha kufanya kazi zao kwa ufanisi.

Je, lini Serikali itawazingatia walimu wa madrasa kuwawekea mazingira bora ya kufanyia kazi zao.

**Ofisi ya Rais, Tawala za Mikoa, Serikali za Mitaa na Idara  
Maalum za SMZ:**

39. MHESHIMIWA HASSAN HAMAD OMAR (Jimbo la Kojani) Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Mhe. Waziri ulipofanya ziara ya kushtukiza Ofisi ya kutoa vyeti vya kuzaliwa, uligundua madudu mengi yanayokwamisha upatikanaji wa huduma hiyo na ukatoa muongozo ili kuondoa urasimu katika upatikanaji wa haki hiyo ya msingi.

- (a) Je, ni wajibu mtu anapofuatilia cheti cha mtoto, lazima alete cheti cha kuzaliwa cha baba na mama na cheti cha ndoa.
- (b) Je, kitambulisho cha wazazi hakitoshi kuwa ni ushahidi.
- (c) Je, Wizara inafahamu kwamba kuna wazee wengi wameoa pasi na kupewa vyeti vya ndoa.

43. MHESHIMIWA MOHAMED MGAZA JECHA (Jimbo la Mtambile) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Katika Jimbo la Mtambile, kuna wauza samaki wengi wanaofanya biashara zao kiholela kando kando ya barabara kutokana na kukosa soko la

kuuzia samaki wao. Hali hiyo huwapa usumbufu hususan katika kipindi cha mvua na kuharibu haiba ya eneo hilo.

Je, Serikali ina mpango gani wa kuwajengea soko wananchi wanaoishi katika maeneo hayo ili waweze kufanya biashara zao bila ya usumbufu wowote.

**Wizara ya Biashara na Maendeleo ya Viwanda:**

78. MHESHIMIWA BAKARI HAMAD BAKARI (Jimbo la Wawi) - Atamuuliza Mheshimiwa Waziri wa Biashara na Maendeleo ya Viwanda:

Kiwanda cha Makonyo kilichopo Wawi ni kiwanda cha muda mrefu kinachotumika kuzalisha mafuta ya makonyo na arki za mimea. Kutokana na maendeleo ya jamii imepelekea kiwanda hicho kuwepo katikati ya makazi ya wananchi.

Kwa kuwa uzalishaji wa mafuta katika kiwanda hicho hutegemea matumizi ya kuni na makapi ya makonyo ambayo husababisha utoaji wa moshi mwingi wakati wa uzalishaji.

- (a) Je, ni kwa kiasi gani Serikali imefanya tathmini ya uwepo wa athari inayotokana na moshi wa kiwanda hicho.
- (b) Je, Serikali imeandaa njia gani mbadala ili kuweza kuzuia athari zinazojitokeza kutokana na moshi huo.

**Wizara ya Kilimo, Umwagiliaji, Maliasili na Mifugo:**

57. MHESHIMIWA HABIB ALI MOHAMED (Jimbo la Mtambwe) - Atamuuliza Mheshimiwa Waziri wa Kilimo, Umwagiliaji, Maliasili na Mifugo:

Wananchi wengi hasa wa kipato cha chini hutumia rasilimali nguvu zao kwa shughuli za kilimo na mifugo, lakini hawafaidiki kutokana na tatizo la wizi na uharibifu unaofanywa na baadhi ya watu.

- (a) Je, unawahakikishiaje wananchi juu ya uwepo wa sheria za kudhibiti wizi wa mifugo na mazao.
- (b) Je, kuna utaratibu gani wa sheria ambao utawawezesha waathirika kupata haki ya fidia ukiachia mbali kuadhibiwa kwa mtendaji wa kosa hilo la jinai.

**Wizara ya Maji, Nishati na Madini:**

16. Mheshimiwa Machano Othman Said (Jimbo la Mfenesini) - Atamuuliza Mheshimiwa Waziri wa Maji, Nishati na Madini:

Serikali ya Mapinduzi ya Zanzibar imekuwa katika majadiliano na Serikali ya India kupitia Benki ya EXIM kuhusu mradi wa maji kwa Wilaya za Magharibi "A" na "B". Kwa kuwa ni muda mrefu sasa wananchi wa maeneo hayo wamekuwa wakiusubiri mradi huo.

- (a) Je, ni lini mradi huo unatarajiwa kuanza kutekelezwa.
- (b) Mradi huo unatarajiwa kugharimu kiasi gani cha fedha.

49. MHESHIMIWA SAADA RAMADHAN MWENDWA (Nafasi za Wanawake) - Atamuuliza Mheshimiwa Waziri wa Maji, Nishati na Madini:

Katika kipindi cha miaka 10 kumekuwa na juhudi kubwa za uchimbaji wa visima na ujenzi wa matenki ya maji. Hata hivyo, pamoja na kufanyika kwa kazi hiyo, bado katika baadhi ya maeneo, wananchi wa Mkoa wa Mjini Magharib wanakabiliwa na upungufu wa maji safi na salama, hali ambayo inaleta shida kubwa kwa maendeleo yao.

- (a) Je, kwa nini pamoja na kuwepo juhudi ya uchimbaji wa visima na ujenzi wa matenki ya maji, bado kuna shida ya upatikanaji wa maji.
- (b) Je, ahadi ya Serikali kupitia Baraza la Wawakilishi imefikia hatua gani katika mradi wa kuweka mabomba mapya ya maji maeneo ya mjini.

**Wizara ya Ujenzi, Mawasiliano na Uchukuzi:**

9. MHESHIMIWA MUSSA FOUM MUSSA (Jimbo la Kiwani) - Atamuuliza Mheshimiwa Waziri wa Ujenzi, Mawasiliano na Uchukuzi:

Katika malengo yake ya Bajeti ya mwaka 2020/2021, Shirika la Meli lilipanga kufanya safari 120 za ndani na safari 6 za nje ya nchi (Comoro na Msumbiji) kwa kutumia meli zake mbili za MV. Mapinduzi II na MV. Maendeleo.

- (a) Je, Mhe. Waziri malengo hayo unayafahamu.
- (b) Je, malengo hayo ya safari yamefikwa vipi mpaka sasa.

## **Wizara ya Uchumi wa Buluu na Uvuvi:**

81. MHESHIMIWA AZZA JANUAR JOSEPH (Nafasi za Wanawake) - Atamuuliza Mheshimiwa Waziri wa Uchumi wa Buluu na Uvuvi:

Kwa kuwa Serikali ya awamu ya nane imejielekeza sana katika kujiongezea kipato chake kupitia uchumi wa buluu.

Je, Serikali ina mpango gani wa kuwaelimisha wanafunzi kuhusu uchumi wa buluu ili kupata wataalamu watakaoweza kuendeleza uchumi huo.

35. MHESHIMIWA HASSAN HAMAD OMAR (Jimbo la Kojani) - Atamuuliza Mheshimiwa Waziri wa Uchumi wa Buluu na Uvuvi:

Serikali iliweka azma ya kujenga soko la kuuzia samaki Malindi kwa muda wa mwaka mmoja. Lakini hadi sasa imepita miaka mitatu hata msingi wa ujenzi haujaanza.

- (a) Je, ni lini ujenzi huo utaendelezwa na soko hilo litakamilika na kuanza kutumika.
- (b) Je, ni lini shida na usumbufu wanaopata wavuvi na wachuuzi utaondoka na kumalizika.

## **II. HOJA ZA SERIKALI**

### **Waziri wa Nchi, Ofisi ya Rais, Katiba, Sheria, Utumishi na Utawala Bora:**

Ripoti ya Mdhibiti na Mkaguzi Mkuu wa Hesabu za Serikali kwa Mashirika na Taasisi za Serikali ya Mapinduzi ya Zanzibar kwa mwaka 2018/2019;

Ripoti ya Mdhibiti na Mkaguzi Mkuu wa Hesabu za Serikali kwa Mamlaka ya Serikali za Mitaa kwa mwaka 2018/2019.

Ripoti ya Mdhibiti na Mkaguzi Mkuu wa Hesabu za Serikali kwa Mawizara ya Serikali ya Mapinduzi ya Zanzibar kwa mwaka 2018/2019

### **Waziri wa Nchi, Ofisi ya Makamo wa Pili wa Rais:**

Mjadala wa Hotuba ya Uzinduzi wa Baraza la Kumi la Wawakilishi iliyotolewa tarehe 11 Novemba, 2020 na Mheshimiwa Rais wa Zanzibar na Mwenyekiti wa Baraza la Mapinduzi.

**Zanzibar,  
12 Februari, 2021.**

**(Raya Issa Msellem)  
KATIBU WA BARAZA.**